

ist zuvor gesagt / So manche Stad so man-
che gabe / mit Biere vnd andern / Diese
herliche / schöne Stad / brawet ein gut köst-
lich Mertzē Bier / Aber doch so schmeckt s
vnd ist am besten / wann es etwas alt wor-
den / vnd biß vmb Pfingsten oder Johan-
nis gelegen hat / Aber doch gleichwol / so
wird viel Zerbster Bier daselbst / neben ih-
rem eigen Biere getruncken / Vnd ist doch
offt ihr eingebrawen Bier / wol so gut /
bißweilen auch wol besser / als das Zerb-
ster Bier / Aber so sein die Menschen ges-
sinnet / was frembd ist / muß allwege bes-
ser sein / als was bey vns daheime / vnd teg-
lich zubekommen stehet.

Hällisch Bier.

Dis Bier / ist auch ein gut Bier /
vnd sie nennen es Buff / denn es
kan einem gewißlich auch einen
rechten Buff geben / wenn man
sein zu viel geniessen vñ trincken wil / Von
diesem Bier helt man in Sachsen / dieses
orts viel / vnd ist auch in warheit / ein gut
Bier /

Wittenberger Bier..

Wer zu Wittenberg studirt hat /
oder daselbst sonst eine zeitlang
gewesen ist / muß das Bier lobē /
Vnd ist kein besser Bier / weit
breit in Teudschlanden / dabey mehr gez-
H iij lertter